

WIKI

ΝΙΚΟΣ ΧΡΥΣΟΣ

ΚΑΙΝΟΥΡΓΙΑ ΜΕΡΑ

ΜΥΘΙΣΤΟΡΗΜΑ

ՆԻԿՈՍ ԽՐԻՍՏՈՍ

ՆՈՒՆՈՒՄ

ԿԵՊ

Թարգմանությունը հունարենից՝
Շուշան Կարապետյանի



ԵՐԵՎԱՆ
2023

ՀՏԴ 821.14-31 Խրիստոս
ԳԼԴ 84(4Հու)-44
Խ 914

Խրիստոս Նիկոս
Խ 914 Նոր օր: Վեպ / Ն. Խրիստոս; Թարգմանությունը հունարենից՝ Ը.
Կառապետյանի. – Եր.: Newmag, 2023. – 672 էջ:

Դեկտեմբերյան մի գիշեր Նավահանգստի մութ անկյուններից մեկում երեք տղամարդ որջ-որջ աչքում են Սերաստիանին, որը թափառական գուշակի համրավ ունեւր... երեք հանցագործների մեջ ամենաներիտասարդ անձը՝ Պողոսը, իրենց հանցանքի դաժանությունից ցնցված, սկսում է զոհի մասին տեղեկություններ փնտրել: Նա հույս ունի, որ այդ կերպ կքավի իր մեղքը, և հավատում է, որ սպանվածի կենսագրությունն է մի բերելով՝ կվերակենդանացնի Նաև Նրան: Պողոսը գտնում է Սերաստիանի հիմնական ուղեկիցներին և խնդրում պատմել իրենց առաջնորդի մասին... Ամեն մեկն ունի իր պատմությունն ու զաղտնիքները, յուրաքանչյուրի պատմության մեջ մի մութ անկյուն է մնում, ու Սերաստիանի կերպարն ավելի միջական է դառնում:

ՀՏԴ 821.14-31 Խրիստոս
ԳԼԴ 84(4Հու)-44

ISBN 978-9939-967-08-0

Նիկոս Խրիստոս «Նոր օր» © 2023, «Նյու Մեգ» ՍՊԸ

© Nikos Chrysos- KAINOYPIA MEPA (Kainouria mera) and Kastaniotis Editions S.A., Athens, 2018

Այս գրքի հայերեն թարգմանության և հրատարակության ըղոր իրավունքները պատկանում են «Նյու Մեգ» ՍՊԸ-ին: Իրավունքները ձեռք են բերվել Kastaniotis Editions S.A. ընկերության հետ կնքած պայմանագրով:



Co-funded by the
Creative Europe Programme
of the European Union

The book is published and co-funded by
the Creative Europe Programme of the European Union

Գիրքը հրատարակվել է Եվրոպական
Միության «Ստեղծարար Եվրոպա» ծրագրի
համաֆինանսավորմամբ

The content of this book represents the views of the author only and is his/her
sole responsibility. The European Commission and the Agency do not accept any
responsibility for use that may be made of the information it contains.

Եվրահանձնաժողովը և Գործակալությունը որևէ պատասխանատվություն
չեն կրում գրքում արտահայտված մտքերի համար:



GreekLit.

This publication was supported by the Hellenic Ministry of Culture and Sports
and the Hellenic Foundation for Culture within the framework of the GreekLit programme

Այս գրքի հրատարակմանն աջակցել է Հունաստանի մշակույթի ու սպորտի
Նախարարությունը և Հունաստանի Մշակույթի հիմնադրամը՝
GreekLit ծրագրի շրջանակում:

Բովանդակություն

Գլուխ 1	11
Գլուխ 2 Տեսի պատմությունը	77
Գլուխ 3 Մարկոնիսի պատմությունը	195
Գլուխ 4 Լակիի պատմությունը	271
Գլուխ 5 Հովհաննեսի պատմությունը	357
Գլուխ 6 Մեկ օր անց	487
Գլուխ 7 Պողոսի արխիվը	561
Գլուխ 8 7 նշում	659

Էլ չճատախոսեմ ավելի լավ է՝ ասա՛ ինձ, թե կարող ես,
Ասա՛ ինձ հենց դու,
Հենց դու գիտես այս ամենի իմաստը,
Ի՞նչ անենք մենք հիմա
Պրևեզայի՝ հետ՝ Աթենքի կենտրոնում կանգնած:

Սուրիդիս Ասրակիս, «Մահ»

Քեզ հանդիպեցի՞
Մաղելով դարերը
Նոր օրվա մեջ...

Ապիրոս Յարակոս, «Հայրաններ»

* Պրևեզա (հուն.՝ Πρεβεζα), քաղաք Հունաստանում (Ծանոթագրությունը՝ [newmag](#)-ի):

Այս գիրքը բոլորի համար չէ. այսպես կգրեր նա առաջին էջում՝ բառերի անկենդան հաջորդականությամբ, առանց երևակայության: Տրված էջերի այս թղթե հերթականությունը կատարյալ խորանարդի տեսք ունեցող անկատար մի ամբողջականություն է, գրադարանների դարակներում և գրախանութների հեռավոր անկյուններում մոռացված մի հուշ՝ անպաշտպան, բաց, խոցելի ու հասանելի բոլորին, բոլորին, բայց ոչ այն մեկին: Գիրքն այստեղ է, իսկ նա չկա:

Այս գիրքը, այս գրողի տարած գիրքը, որը խուսափում եմ ձեռքս առնել: Իսկ նա... նա այս գիրքը չէր գրի. ոչ թե ամոթից կամ, ասենք, վախից, չէ՛, նա վախեցող չէր, նա չէր վախենում նաև այն ժամանակ, երբ խոսում էր դրսում՝ դառնաթոր հայիոյելով այն երեկոն, ժանապարհի այդ հատվածը... Չէ՛, նա չէր վախենում, նա ոչ ոքի էլ բանի տեղ չէր դնում: «Ձի որ որ ամօթ համարեսցի գիս և գրանս իմ ի շնացող»^{*}: Ուշադրություն չէր դարձնում նրանց, որոնք իրենց ականջները խնայում էին, չէր խնայում հատկապես սուտ կույսերին և կեղծ բարեպաշտներին:

Դեռ փոքրուց մեծ սեր էր տաժում բառերի նկատմամբ, ամեն մեկին շնորհում էր յուրահատուկ ու չկրկնվող մի դեր, ճիշտ այնպես, ինչպես վարվում էր սեփական ակնոցների հետ. երկու զույգ ուներ, որոնցից ոչ մեկը նրան չէր օգնում ավելի լավ տեսնել, երկուսն էլ անպիտան էին ու հաճախ էին հայտնվում աղբամանում, բայց կարճ ժամանակ անց տերն ափսոսում էր ու հետ վերցնում դրանք: Կիրակի օրերին մետրոյի կենտրոնական կայարանի մոտակայքում սովորաբար կրում էր այն մեկը, որ ծանր, ոսկրանման կմախք ու տաք սուրճի գույն ուներ և համարյա նոր էր, իսկ ահա մյուս օրերին կրում էր այն երկրորդը, որին մտերմիկ տոնով «ժեշտ» էր անվանում: Երկուսով էլ մշուշոտ էր տեսնում: Իրերի հեռավորությունը, խորությունը, անկյունները տեսնելու, ընկալելու համար

^{*} Ավետարան քստ Մաթթևոսի, 8:38:

պետք է փոխեր իր դիրքը: Այդ էր, ի՞նչ արած: *Ուրեմն, երանի նրանց, որոնք այս երկնքի փակ անգն են, ովքեր ունեն դատարկ, անպիղծ ձեռքեր: Եվ քանզի անշունչ հոգին անխոցելի է իր միայնության մեջ, ուարի կույրի աչքն ավելի լավ է տեսնում:*

Ոչ Մարկոնիսը, ոչ էլ Լակին նրան չէին հասկանում, բայց հենց տմբուղմբացնում էին գլուխները, մի կարճ ժամանակով նրանց էր տալիս իր ակնոցները, «ժեշտը»՝ Լակիին, իսկ մյուսը՝ կիրակի օրվանը՝ Մարկոնիսին: *Կույրի աչքն ավելի լավ է տեսնում:*

Նախքան այս պսևդոնախաբանը տպելը՝ նա վերոգրյալ այդ արտահայտությունը հաստատ կղաքեր առաջին իսկ էջին՝ որպես ողջույնի խոսք: Կռանալով գրախանութների ցուցափեղկերի վրա՝ նա նշումներ կաներ գրքի օրինակների վրա՝ մի աչքը ոչինչ չկռահող աշխատակիցների վրա պահած (քսանչորս տառ և մի վերջակետ): Գատարկ էջի վրա նա մարկերի քիթը մի քիչ սեղմած կպահեր և հետո մի հետագիծ կթողներ... Մի պահ կուղղեր մեջքը, որ բազմիմաստ բառերը հստակ իմաստ արտահայտող Նախադասության մեջ միացներ:

Այս գիրքը բոլորի համար չէ. դատարկ ու կարճիմաստ թվացող արտահայտություն, Նախաբան և վերջաբան միտք՝ հաշվարկված ու ինը վանկերի մեջ տեղավորված:

• • •

Շեզնախառն և հարբած աչքերով այսպես կոչված Սարսափը քրտնաթոր ցեմենտի վրա մի ոտքը դրեց մյուսի կողքը: Շենց մարմնի հավասարակշռությունն իրենց վրա պահող ներբանները հավեցին թաց մակերեսին, ծնկներն ուղղվեցին, և հարյուր կիլոգրամ կշռող միսն ու ոսկորները վեր բարձրացան, հոդերը ճոռացին՝ շշնջալով իրենց անխուսափելի մաշվածության սափն. թեթև ճոռոց և փոքրիկ անհանգստություն:

Թեպետ Սարսափը դեռ երեսուն տարեկան էլ չկար:

Փողոցի լուսատուն հնազանդ, չհոգնող ռիթմով թարթում էր աչքերը: Երկու քայլ այն կողմ սահմանն էր՝ այն մտացածին գիծը, որը բաժանում և միացնում էր քաղաքն ու աղբանոցը: Գարշահոտն ու այրվող փայտը, օքսիդացող չուգունն ու ամոնիակը, ծխահոտն ու կեղտը: Փափկահողով

ծաղկաթմբերը չէին թողնում, որ բորբոսնած տերևները չորանան, ինչպես ուտքերն են խոնավ մնում նոր լվացված և դեռ թաց գուլպաների մեջ:

Միշտ ձմեռ էր բուրում:

Հսամաշ ավտոբուսները փոել էին իրենց ստվերները կաթվածահար եղած կետերի նման, բենզինի և նավթի բույրը ներծծվել էր շենքերի, ավտոմեքենաների ու մարդկանց մեջ, և, չնայած դրան, բույրը համառորեն ու նորի պես նյարդայնացնում էր: Աղբն ինքնամոռաց նեխում էր սայլակների տակ, անգործությունից հալված անիվները և մեքենայի ծանրության ու կմախքի բեռան տակ խեղճացած անվահեծերը՝ ճմոթված և անշարժ, կորցրել էին իրենց փայլը: Թղթի թափոններ, որ մինչև այստեղ քշել-բերել էր քաղաքի աղտոտված շունչը, ծոմոված, թիթեղյա անոթներ, պատառոտված ցնցոտիներ, ճմոթված արկղեր, կիսաջնջված պիտակներով դատարկ շշեր...

Տանյայկ անտոններ ապաստան էին գտել հին դեպոյում, ավտոբուսների կտորված պատուհանների ապակիների փոխարեն թղթե տուփեր ամրացնելով՝ ամեն մեկն իր համար գիշերելու սենյակ էր սարքել: Ծածկոցներ, գործվածքներ, կտորտանքներ, թաց սավաններ, որոնց եզրերը ցրտից քարացել էին, սրվել-դարձել ածելիների սուր-սուր կտորտանքներ, որ ամեն ինչին լուծում կարող էին տալ, հատկապես հուզախառը քնի ու արթմնի երազների միջև:

Միևնույն գորշ մղձավանջն էր թե՛ բաց, թե՛ փակ աչքերով, և թեպետ մեկը մյուսի կողքին էր, սակայն ամեն մեկն էլ իր սեփական միայնության մեջ էր կարծրացել՝ առանց կողքինի հետ կիսվելու, հաղորդակցվելու որևէ ցանկության: Անհամաչափ ու աններդաշնակ շնչառությունները՝ ծանրացած ցրտից և սովի ուժգնությունից, ընդհատվում էին մեկ վայրի հազից, մեկ անեծքներից, իսկ ավելի հաճախ՝ հայիոյանքներից:

Պատկիր քնելու և կոշիկներ պարվիրիր կոշկակարի մուր ու անպայման առա՛, որ դրանք կարմիր կարի, վրան էլ չճոռանա մարգարիտներ ամրացնել:

Դատարկ տակառների մեջ կրակ էին վառում: Կրակը տեսնելուն պես ջերմանում էին, հալվում: Անթաթ ու սառը հայացքներով նայում էին իրեն լեզվակներին և ակամայից ավելի ամուր էին սեղմվում ծածկոցների մեջ,

որոնց վրայի կեղտն ու անցքերն իրենց պես ջանում էին հիշողության մեջ պինդ պահել ամենաբաղձալի ջերմության բույրը:

Մաշված ծնկներ, քրքրված թնքեր, կեղտակորոյս արմունկներ, հագուստի ու մարմնի արանքում դրված թերթի էջեր, որոնց նպատակը ողնաշարը ոտքերից գոնե մի փոքր ավելի տաք, գլխից էլ մի քիչ ավելի ուղիղ պահելն էր, գլուխ, որը խոնարհվել էր գիտելիքների անօգուտ բեռից և անձրևների անվերջանալիությունից:

*Նա՛-նա՛-նա՛, և տո՛ւ, տո՛ւ, տո՛ւ,
Թիկունքում քո, հապա՛, փե՛ն՛
Ինչ-որ լաթեր են ծածանվում,
Ինչ-որ երթեր են անցնում
Ու քեզ ծեծում, ծեծում:*

Սարսափը լայն բացեց ձեռքերը, մի ճիչ կրակեց օդ, քամին էլ կրկնեց այն: Փակեց մեքենայի դուռը, նրա կողքին կանգնեցին երկու երիտասարդ, որոնցից կարճահասակը վիսկիի մի շիշ բացեց:

— Թող մաքրվի էս տարածքը,– կենաց-մաղթանք ասաց նա:

Հենց մի կոմ արեց, Սարսափը խլեց նրա ձեռքից շիշը, ապա թփթփացրեց Պոլոսի՝ խմրի երրորդ անդամի ուսին և շիշը խոթեց վերջինի բերանը:

— Խմիր, ճատո՛:

Ատամների ցավը խեղդում էր նրան, երկու կես անում՝ բաժանելով ցավի ծնած մաղձի և ալկոհոլի բերած կարճատև թեթևության միջև: Գաճաճը հեռաց տգեղ, ղնգային, երկարատև ծիծաղով:

Սարսափը շիշը բարձրացրեց.

— Թող մաքրությունից պլպլա էս տարածքը,– ասաց նա՝ շշի կեսը երկու կումով դատարկելով:

Կարճահասակը հագաց, թքեց երկու անգամ, խոր շունչ քաշեց: Ձեռքերը դողում էին: Հապշտապ փորձ արեց թաքցնել դրանք գրպաններում, քանի դեռ ոչ ոք չէր նկատել դողը: Կարճահասակը ամբողջ սրտով ցանկություն հայտնեց, որ հորդառատ անձրև տեղա հենց այդ պահին, տակայն, ինչպես սովորաբար պատահում է, այս անգամ էլ բնությունը չենթարկվեց մարդկային ցանկությանը:

Նրա ոտքերը թուլացան, ծնկները ծալվեցին ցեխի մեջ: Բարձրահասակը բռնեց նրա օձիքից և վեր բարձրացրեց: Մի պահ լռություն տիրեց, լռության մեջ նրանք կանգնեցին իրար կողք և հարրեցողությունից ու անքնությունից կարմրած աչքերով նայեցին դիմացը փոված ամառի տարածությանը:



Լակին ինչ–որ հոգեպահիկ ուներ, որը երկու հոգու համար բավական կլիներ՝ գնացքների կենտրոնական կայարանի հետևամասի մութ խաչմերուկներից մեկի մոտ գտնվող գյուղական հյուրանոցում մի սենյակ վարձելու, որտեղ ծաղկում էր մարմնավաճառությունն ու դրանից օգտվող հաճախորդների ճղճիմությունը:

Սենյակ ասվածն իրականում այնքան էլ նման չէր սենյակի, այլ մի ստորգետնյա խուց էր: Նկուղային այդ «սենյակը» դատարկված էր. փողոց էին հանել բորբոսնած իրերը, կտրված կահույքի կտորները, քրքրված ծածկոցները, հին թերթերը (խոնավությունը դրանց բարակ էջերը տձև զանգված էր դարձրել): Ինչ–որ խավարասեր այդ ընթացքում հաջողեցրել էր խճճվել Լակիի օձիքի մեջ, որին նա երկու մատով անխնա տրորեց: Մի խոսքով, ութ ժամ կեղտի հետ կռիվ տալուց հետո Լակին հասավ իր բաղձալի երազանքին. գիշերելու տեղ երկուսի համար՝ անձեռնմխելի և օրինական: Մեկտեղանոց սենյակ, որը, հյուրանոցատիրոջ պնդմամբ, պետք է կիսեր մեկ ուրիշի հետ, սենյակ, որտեղ կար չոր սրբիչ, տաք ջուր, հնամաշ և ծակծկված սավաններ, փակ պատուհաններ, որոնցից այն կողմ անդադար եռուզեռ էր:

Կավատների կատաղի ձայներ, հաճախորդների հայհոյանքներ, գարշելի հաճոյախոսություններ, աղջիկների շինծու տնքոցներ, պատերից կախ եղջյուրներ, հարքածների երգեր, նավահանգստի մշտամնա մոռնյուն, երկու–երեք փշրանքների մասնատված գիշեր... Բայց, այդուհանդերձ, հրաշալի է տանիք ունենալ գլխիդ վերևում, այն էլ՝ գիշերվա կեսին: Ահա այս գիշերվա նրանց ապաստարանը... Մի սենյակ և մի շիշ էժանագին գինի, և այդ ամենը՝ երկուսի համար:

Մարկոսիսը տանջվում էր ծանր հագից, որը հատկապես ուժգնանում էր երեկոյան: Նա տաք ջուր էր խնդրել, որ դրանով մեղմի հագը, սակայն

ամբողջական գիրքն այստեղ է՝

Bookmark 